

姚州志卷之七

督憲岑

易

學憲盧

鑒定

州尊

陸李

正定

貢生甘雨輯

府憲陳

張曾

人物志

姚州舊屬蠻荒何人物之足言元明以來始歸版圖

得習中夏禮義之教由是人材輩出至

國朝雅化覃敷被其教者或矢志於道德文章或飭躬於
綱常倫紀或爭奇於材能技藝以及遷客羈人貞婦

淑女與夫學宗二氏而清修自好者較元明而更有
可傳矣茲厯考之列爲十二門俾各從其類焉

鄉賢

卓行

忠義

孝友

宦蹟

義行

文學

鄉方技

寓賢

列女

仙釋

高昇泰

元

高泰祥

高明

明

李霖

劉鈞

郭如磐

楊道東

任俊

張金

劉九疇

契雲

徐化

徐琯

徐體震

陶希皋

陶珽

陶珙

高昇泰段氏臣保德侯高智昇子也段氏子孫不振臣民共推昇泰爲君在位二年寢疾詔其子泰明日我之立國因段氏微弱國人推我不得已而爲此我死必還其故物爾後人毋效尤也泰明遵遺言求段氏子正淳立之號曰後理國段氏復興

參州舊志南詔野史

高泰祥昇泰九世孫也爲段氏相國宋理宗二十年冬元世祖領兵三十萬伐雲南舉國惶惶咸思蹈海泰祥獨率眾守金沙江與元將伯顏不花虎兒敦等相持世祖命眾以革囊潛濟江破吐蕃出石門關遂進

薄大理城泰祥回軍至大理奉其主段興智拒戰不
勝退至統矢募兵勤王武夫義士桴鼓相應三十七
部酋長刻期且至元兵已張驅而入泰祥被執至大
理面訊不屈世祖欲官之不受乃殺之臨刑呼曰段
運不回天使其然爲臣隕首吾事畢矣時白日正午
忽愁雲怒雨山川黯慘天鼓大鳴元戎失目世祖嘆
曰忠臣也是歲十二月夫人段氏抱孤兒高瓊高長
壽伸訴世祖目孤兒顧左右曰此忠臣之後宜善視
之乃世其官於姚州

參雲南通志南詔野史

高明秦祥之裔天厯中爲本路總管

事載秩官志名宦

李霖姚安所人成化乙酉舉人任浙江運副一介不取
歸里之日行李蕭然田居十餘年惟茹淡衣垢親鄰
有餽者卻之終其身無悔色後浙中坐以盜官緡移
文至滇繫其子令僧之御史呂文榮素知霖賢按之
果誣也蓋同列者忌其履潔故中傷云

雲南通志

劉鈞姚安所人成化癸卯舉人也孝友純慤嘗於元夕
觀燈拾金鈿不以語人明日至其處俟之果有一婦
人來泣求所失鈞卽以鈿還之婦人謝曰昨夜失此

爲翁姑所迫幾死矣感拜而去釣卽以是年舉於鄉
人以爲陰德之報云後知長壽縣分祿以及士之貧
者歸里四十餘年不輕入市

舊雲南通志

郭如磐姚安所人嘉靖壬午科舉人也官清神知縣履
操端潔行李僅圖書數卷歸田後下帷講誦教授生
徒恂恂如諸生家徒四壁立不知其爲士大夫也

姚州

舊志

楊道東字載吾姚州人嘉靖乙丑進士也天性孝友好
義樂施未遇時見有衣不蔽體者嘗解衣衣之家居

安貧守道雖衣食不給淡如也讀書手不釋卷爲文
原本六經尤究心於周禮一書甲子魁於鄉乙丑成
進士未殿試卒於京不竟其用士論惜之

州舊志

任俊姚安所人以貢監任南城兵馬司正指揮勤敏端
慎陞後軍都督府經歷封父母如其官姚之仕宦膺
封者自俊始家無遺產子孫幾不能立可以知其所
操矣

州舊志

張金姚安所人由貢士任江津訓導有文學性警敏過
目成誦尤長於古文辭修城修學諸碑記多出其手

著有傳心集年九十六卒知府李贇報入鄉賢

州舊志

劉九疇姚安所人以貢生仕至綦江知縣性孝友出仕

時卽以家產盡分胞弟四人鄉里稱敬有司詳請旌

揚於萬厯二十二年恩賜孝友馳聲四字兩院獎給

以仁讓可風敦倫範俗匾額

州舊志

饒雲姚安所人以貢士任陴縣教諭言動不苟子維賢

以隆慶戊辰科成進士雲閉門卻掃不受親鄰賀亦

不以半刺通有司別號靜齋年九十卒

州舊志

徐化姚州人以貢生官江西贛州府知府

州舊志

徐琯姚州人貢生初官定遠教諭後任江西知州

州志舊

徐體震萬歷丙午科舉人也任武隆知縣邛州知州

州志舊

志○以上三
人事蹟闕載

陶希皋字直南姚安所人萬歷癸酉舉人也少從盱江

羅汝芳學後任石阡府推官發奸摘伏如神遷知永

甯州平賦役擒巨寇尋以剛直忤上官左遷王府教

授遂辭官歸里養親課子族人之無後者爲任喪葬

鄉里有不平者解之倡首捐資修黌宮鄉人感其德

參一統志
雲南通志

陶珽希皋子字紫閬號不退有夙慧因自稱天台居士
慕孔穉圭之爲人故又號穉圭中萬厯辛卯科舉會
試不第歸遂棄家入雞足山讀書於白井庵大覺寺
臨摹書法於楞伽室萬厯庚戌成進士與傅忠壯公
宗龍爲同年友初珽登鄉薦赴公車時宗龍始生其
父夢同年至來朝則珽踵其門矣珽屢試不第堅守
之比足十八年果與宗龍同榜當時傳之以爲美談
云初授刑部四川司主事二任福建司員外郎三任
山西司郎中四任大名府知府五任隴右道副使再

轉遼東兵備道與經略袁崇煥籌備邊運饟諸大政
皆動中機宜未幾改武昌兵備道凡七任皆有政聲
由其才高學博故措施裕如也致仕歸建開拓城池
議編郡乘修學宮周恤族黨講學論文四方來學者
日眾築雪閣日研性理於其中善書法宗大米與邢
子愿齊名歸里後東南萬里之乞書者絡至片紙隻
字遺落人間皆寶若尺璧未第時又嘗讀書於西湖
與陶石簣袁中郎黃慎軒董元宰陳眉公諸名卿交
所爲詩文海內稱絕著有閬園集錢牧齋序之並纂

說郭續伯敬史懷諸書甚淹洽其家所存議事條陳遺稿類皆直言不阿當明季衰亂之時能以剛正自矢尤爲難得昆明雷少詹躍龍目爲名世良不誣也

參高翦映雞足

山志州舊志

陶珙珽之弟天啓辛酉科舉人也由太平縣教諭陞國子監助教轉工部主事遷郎中
外遷寶慶府知府所至皆有賢聲致仕歸敦行孝友葺文廟修府志著有寄園集別號無學居士

州舊志

贊曰昇泰受禪終還故物泰祥隕元臣節不屈明

著勲勞金有文學道東九疇孝友純慤雲之閉門
釣之還鈿古誼高風於今罕見霖俊如磐居官清
介其家則貧其德則邁陶徐二氏父子繼武俎豆
馨香卓哉千古

聖世

明

張

馨香卓著千古

介其寒頃貧其齋頃
斷斷斜二刃父千
繼為臣豆
陸之數畝古監高風
竹今罕具霖郊吹
譽司官青
著傳樂金育文學
前東大朝奉文
祿慈雲之園